



Bilten

hCa Tuzla

Mjesečni bilten – Januar 2009

- UVOD -

OMLADINSKI RESURSNI CENTAR (ORC) TUZLA; OMLADINSKA MREŽA BOSNE I HERCEGOVINE

Omladinska mreža Bosne i Hercegovine je neformalni skup vanstranačkih organizacija, grupa i osoba koje zadovoljavaju potrebe mladih u entitetima, aktivno ih uključujući u izgradnju demokratskih vrijednosti i jačanje civilnog društva. (Misija hCa Omladinske mreže u Bosni i Hercegovini, ustanovljena na radionici strateškog planiranja u Kulašima, 11. - 17. Juli 1999.g) Danas mreža okuplja 117 članica i 38 pojedinca iz 65 mjesta u BiH (zadnji podatak iz oktobra 2008 nakon revizije).

Dragi prijatelji, Pred vama se nalazi **januarsko** izdanje mjesečnog informativnog biltena Omladinskog Resursnog Centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog Resursnog Centra (ORC) Tuzla, te Omladinske Mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine, stipendije...).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!!

SADRŽAJ

Aktivnosti u Januaru 2009	2
Planovi za Februar 2009	3
Aktivnosti dijela članica mreže	4
Informacije	9
Donatori,školarine,stipendije	11

AKTIVNOSTI U JANUARU 2008.

U toku mjeseca hCa/ORC Tuzla je radio na redovnim aktivnostima - obradi informacija interesantnih za omladinski aktivizam i distribucija istih prema omladinskim organizacijama i članovima Mailing liste Omladinske Mreže Bosne i Hercegovine, kao i uređivanju i distribuciji Mjesečnog biltena Omladinske Mreže Bosne i Hercegovine i redovno ažuriranje Web stranice: www.omladina-bih.net.

U Tuzli je, u periodu od 22. do 23. januara 2009. godine, u organizaciji Helsinškog Parlamenta Građana (hCa) Tuzla / Omladinskog Resursnog Centra (ORC) Tuzla, a u saradnji sa Ministarstvom Odbrane BiH i pod pokroviteljstvom Vlade Sjedinjenih Američkih Država održana regionalna ekspertna konferencija pod nazivom „Partnerstvo za mir – pogodnosti i izazovi za susjedne zemlje“.

Neki od ciljeva konferencije bili su:

- 1- da se promovira sigurnost kao jedno od najvažnijih regionalnih pitanja, za koju se veže stabilnost kompletne regije, a koja je eksplicitno preduslov stvaranja sigurne regije za ulaganje stranih investicija i kapitala;
- 2- da se pokaže spremnost BiH priključenju NATO savezu;
- 3- da se inicira međudržavni sporazum vojnih komponenti (sporazum o pomoći prilikom elementarnih nepogoda – poplave, zemljotresi, požari);
- 4- Da se poveća informiranost građana zemalja u regiji o prednostima uključenju u Euro Atlantske integracije;

Konferencija je nastavak projekta hCa / ORC Tuzla, koji, u saradnji sa američkom ambasadom, te ministarstvom odbrane BiH hCa implementira već drugu godinu, a koji se zove „Partnerstvo za mir i BH društvo“. Cilj ovog projekta je bio upoznati građane BiH o značaju učešća BiH u programu partnerstva za mir, te značaju euro-atlantskih integracija, te pogodnostima, ali i obavezama koje ovo članstvo nosi BH društvu.

Na konferenciju smo pozvali: predstavnike ministarstava odbrane BiH i zemalja iz regiona, parlamentarnih komisija BiH, ministarstva sigurnosti BiH, predstavnike ambasada iz regije, nekih od evropskih zemalja i SAD-a, predstavnike vojnih komponenti iz BiH, Srbije, Crne Gore i Hrvatske, predstavnike političkih partija, civilnog sektora iz: Srbije, Crne Gore, Hrvatske i BiH, predstavnike univerziteta i bh medija, te OHR-a i OSCE-a. Ukupno je pozvano oko 50 učesnika, od kojih se odazvalo 40.

Na konferenciji se putem panel diskusija razgovaralo o: „Značaju članstva BiH u Programu Partnerstvo za mir – podsticaj regionalnoj parlamentarnoj saradnji“, „Postignuća i problemi u parlamentarnom nadzoru sigurnosnog sektora u BiH“, „Put BiH u NATO“, pristupnim fondovima i slično. Uvodničari konferencije bili su: **Boško Šiljegović** - predsjedavajući Komisije za Odbranu i bezbjednost BiH periodu 2003 – 2006; **Željko Grubešić** – stručni savjetnik u Parlamentarnoj komisiji za odbranu i bezbjednost BiH; **Marina Pendeš** - zamjenica ministra Odbrane BiH. Moderator konferencije bio je godpodin **Vehid Šehić** – Forum Građana Tuzle. Značajno učešće u diskusijama i prezentacijama dao je i Ministar odbrane BiH, gosp. **Selmo Cikotić**.

Učesnici konferencije su na kraju konferencije predložili sljedeće zaključke:

Mi, učesnici regionalne konferencije „Partnerstvo za mir – pogodnosti i izazovi za susjedne zemlje, održane u Tuzli, 22. i 23. januara 2009. godine donosimo sljedeće zaključke:

1. Želimo da damo podršku Ministarstvu odbrane i Zajedničkom štabu Oružanih snaga BiH, a radi ispunjavanja uslova partnerstva za mir, kao i na putu ka NATO savezu. Tu je i predanost članstvu BiH u NATO-u. Prije svega potrebno je ući u implementaciju potpisanih sporazuma sa NATO-om i EU.

Mjesečni bilten – Januar 2009

Želimo da izvršnoj i zakonodavnoj vlasti stavimo na znanje da je osim tog opredjeljenja i iskazane želje i volje najteže implementirati ono što mi nekim teškim kompromisima postignemo.

2. Iskazana je potreba za nastavkom održavanja ovakvih konferencija država BiH, Hrvatske, Srbije i Crne Gore. To opredjeljenje je vladalo i ovih dana prije sazivanja konferencije i osjetiti će se potreba i poslije ovoga.
3. Želimo da iniciramo jačanje regionalne parlamentarne saradnje, koje je potrebno nastaviti i intenzivirati. Ne želimo ovim putem reći da ta saradnja ne postoji, mi samo želimo da ta saradnja bude jača i intenzivnija.
4. Potrebno je snažnije i organizovanije učesće i saradnja svih segmenata društva a naročito nevladinih organizacija iz regije koje mogu biti jedni od važnijih nosilaca ovog procesa.

U okviru Regionalnog projekta za demilitarizaciju, potpisali smo partnerski ugovor sa NVO „Peace Action” iz Prilepa (Makedonija). Naša organizacija će organizovati dio aktivnosti ovog projekta u BiH u narednom periodu, a o tome ćemo vas blagovremeno informisati.

U toku mjeseca poslali smo prijedloge novog projekta nekima od naših stalnih donatora.

PLANIRANE AKTIVNOSTI ZA FEBRUAR 2009

Nastavak rada hCa/ORC Tuzla na redovnoj distribuciji informacija omladinskim organizacijama u Bosni i Hercegovini, kao i uređivanje i distribucija mjesečnog biltena Omladinske Mreže Bosne i Hercegovine.

Rad na pripremi a i organizovanju aktivnosti Regionalnog partnerskog projekta u saradnji sa organizacijom NVO „Peace Action“ iz Prilepa (Makedonija)

AKTIVNOSTI ČLANICA MREŽE

NVO MDD – Muslimansko dobrotvorno društvo

Merhamet Dobož

adresa: Kralja Aleksandra 17, 74000 Dobož

tel/fax: 053 226 886

web stranica: www.ngo.ba

U januaru mjesecu je nešto manje aktivnosti zbog praznika .
Sređuje se dokumentacija, godišnji izvještaji i sumiraju rezultati.
„Merhamet“ je nastavio sa implementacijom projekata:

- „Pružanje zdravstvene zaštite socijalno-ugroženim kategorijama“.
- „Pomoć starim i nemoćnim osobama koje žive same“.
- „Pokretanje malog biznisa kreditiranjem“.
- Pronalaženje donatora za humanitarnu pomoć za socijalno-ugrožene kategorije.
- Partnerski projekat sa „Medica“ - Zenica, tj. „Pružanje zdravstvene zaštite u ruralnim sredinama“ i rezultati partnerstva i dobre prakse su da su 4 žene dobile boravak u banji Fojnica 10 dana besplatno.



Žene odlaze u banju Fojnica.

- Svakodnevne aktivnosti:
- Upis novih članova i naplata članarine.
- Rad na računaru - štampanje tekstova.
- Fotokopiranje, narezivanje cd-a i drugo.
- Izrada novih projekata i pronalaženje donatora.
- Prisustvo po pozivu Topeer-a-sa CPCD ORG.
- Tema-formiranje mreže „Sporazum plus“, a rezultati će biti „Zajedno smo jači“.

OMLADINSKI KLUB "POD ISTIM SUNCEM" JABLANICA

Adresa: Trg Oslobođenja SP - 32; 88 420 Jablanica

Tel: +387 36 753 475, 752 923

E-mail: okpis@bih.net.ba

U proteklom mjesecu Omladinski klub je imao završnu ceremoniju projekta ZaZ (Za Aktivne Zajednice) u mjesnoj zajednici Doljani. Kroz projekat smo izgradili 6 autobuskih stajališta i postavili 29 kontejnera, te riješili kontinuiran odvoz smeća iz ove MZ, vrijednost akcije je iznosila oko 32 000 KM. Projekat je realiziran u partnerstvu sa Fondacijom Mozaik, a akciju su podržali Općina Jablanica, Federalno Ministarstvo Okoliša i Turizma, lokalni privrednici i mještani kroz svoje donacije i volonterski rad. 30. i 31. 01 klub je zajedno sa savjetom MZ Doljani održao radionicu strateškog planiranja MZ Doljani. Kompletan ZAZ projekat je podržan od starane Europske Unije.

U kinu Jablanica je u Januaru prikazano nekoliko svjetskih hitova: Čimpanze u svemiru, Vitez tame i Tijelo od laži. 28. i 29. 01 imali smo čast da prikazemo film Čuvari Noći bh redatelja Namika Kabila, gdje su nam se nakon filma pridružili glavni protagonisti Milan Pavlović i naš jablaničanin Vahid Piralić. Sve tri prikazivanja filma su bila dobro posjećena.

Omladinski klub je bio jedan od organizatora humanitarnog koncerta za pomoć jednoj našoj sugrađanki kojoj je neophodno liječenje u inozemstvu.

U okviru redovnih aktivnosti u mjesecu Januaru imali smo veliki broj posjetilaca u kafeu.

UDRUŽENJE GRAĐANA „EKO-Leonardo“ KLUB MLADIH, Priboj

Adresa: Priboj bb, 75 249 Priboj

Tel: 065/538-494

E-mail: ugekoleo@teol.net



Projekat „Od učešća javnosti do održivog razvoja“
NVO „EKO-Leonardo“ Priboj (YOUTH INFO CENTRE)

05.01.2009. godine, sastanak projektnog tima u uredu Centra...

Analizirane su aktivnosti za 12. mjesec 2008. a detaljno planirane za januar 2009. godine.

Zaključno sa 31.01.2009. zatvorio se poziv NVO-ima iz SI BiH sa ciljem formiranja koalicije NVO.

Prijave predstavnika NVO sjeveroistočne BiH pokazuju interes za osnivanjem i jačanjem koalicije koja će se edukovati i spremiti za podršku vlastima u rješavanju okolinskih pitanja.

Kreirana je baza kontakata NVO (RS) od 192 pravna lica, i svima su upućeni pozivi za učešće na ovom projektu, što posebno na njihovu adresu, što preko mejling listi.

Mjesečni bilten – Januar 2009

Nakon poziva upućenog nevladinim organizacijama stigle su 23 prijave, iz RS, što pokazuje interes za osnivanjem takve koalicije. Pozivi su upućivani Centru za ekologiju i energiju u Tuzli (Federacija BiH) i Eko Leonardo iz Priboja (za RS), partner na projektu „Od učešća javnosti do održivog razvoja“, koji se realizuje uz finansijsku podršku EU. Iskreno smo se nadali da će se više NVO prijaviti za naš projekat!

Iako je istaknuto da se teži osnivanju koalicije u sjevero-istočnoj BiH, prijavljuju se i NVO sa cijele teritorije BiH, što pokazuje da ni u ostalim dijelovima BiH nema dovoljne uvezanosti ovih organizacija i udruženja, da se međusobno ne poznaju niti komuniciraju dovoljno, da nema jedinstvene baze podataka na koju bi se mogle osloniti svaka od organizacija, želi li dobiti podatke ili podršku pri rješavanju svojih okolinskih problema, te da im je edukacija radi efikasnije realizacije okolinskih projekata i bolje komunikacije sa vlastima svima potrebna.

Susreti u opštinama Lopare (načelnik dr. Rado Savić i načelnik odjeljenja za privredu i društvene djelatnosti Željko Kerović, dip ecc.) i Ugljevik (Milan Vičić, referent za NVO) sa predstavnicima vlasti zaduženim za saradnju sa NVO potvrđuju ispravnost ideje koalicije, njenog jačanja, suočavanja sa problemima i iznalaženja zajedničkih rješenja.

Zahvalili smo se svim prijavljenim organizacijama.

U toku januara kreiran je formular i upućen dopis načelnicima opština u SI dijelu BiH/RS. Da bismo aktivnosti realizovali pravovremeno i sa odgovarajućim osobama, potrebne su nam neke informacije iz opština SI BiH, te smo ih zamolili da nam preko osobe zadužene za rad sa NVO ili drugog uposlenika putem formulara u prilogu prikažu takve podatke. Važni su nam podaci o službama/osobama zaduženim za oblasti zaštite i unapređenja okoliša (energija, otpad, voda, šume...), prostornog uređenja i održivog razvoja. Istovremeno kompletiramo bazu kontakata institucija iz RS a njihov broj za sada je 114.

Nadamo se da će ove institucije prepoznati značaj saradnje sa nevladinim sektorom, koji svakako želi pružiti ruku podrške vlastima u rješavanju okolinskih i drugih problema, te omogućiti saradnju.

Poziv NVO je objavljen na sledećim WEB adresama; RESURSNI CENTAR CIVILNOG DRUŠTVA BIH, Mladi.info, Portal nevladinih organizacija Bosne i Hercegovine, MJEDICA.DE, SLIV RIJEKE BOSNE, Omladinska mreža BiH, Referentna grupa Tuzla...

Na recikliranom Eko selu Vukomerić, Zagreb, 24. i 25. januara 2009. godine, održana je redovna godišnja skupština gdje je i zvanično Udruženje EKO-Leonardo iz Priboja primljeno u punopravno članstvo Mreže EKO sela Balkana. Našu organizaciju predstavljao je Boško Nikolić. Na ovom skupu NVO iz više zemalja Balkana, promovisan je i naš aktuelni projekat.

Sama misija postojanja i funkcionisanja Mreže Eko sela Balkana počiva na održivom razvoju gdje se na konkretnom projektu ideje i praksa približavaju skoro do savršenstva.

KULT Sarajevo

Adresa: Banjska Ulica 2, 71210 Sarajevo

Tel: 061/713 237, 033/621 318

E-mail: info@kultbih.org

Web: www.kultbih.org



Udruženje KULT, sa svoja četiri ureda, svojim aktivnostima i djelovanjem u javnom životu nastoji kreirati demokratsku sredinu gdje će vlasti biti partneri nevladinim organizacijama i zajedničkim naporima učiniti život građana/ki kvalitetnijim i boljim.

Centralni ured Sarajevo (CUS)

Banjska ul. 2

71210 Ilidža

sarajevo@kultbih.org

www.kultbih.org

Tel./faks: 033 637 290



Aktivnosti u januaru

Udruženju KULT je početak 2009. godine bio vrlo aktivan. Za ovaj izvještaj izdvajamo samo neke od njih.



Od 23-26. januara održan je posljednji modul druge generacije obuke Uči, misli i djeluj!. Tema je bila Uvod u namicanje sredstava, a trenerica je bila Slađana Azinović. Polaznici/e UMiD-a bili su vrlo aktivni i zainteresirani za rad. Po njihovom mišljenju, ovo je bila najzanimljivija radionica od početka obuke. Održan je i polugodišnji ispit, koji su svi/e prijavljeni/e položili.

U SPAJALICI je 31. januara i 1. februara 2009. g. održana još jedna MASLAČAK – *reci DA zdravom životu*, programu jednogodišnje ljudi o prevenciji ovisnosti i zdravom načinu življenja. Tema reproduktivno zdravlje, a vodila ju je Sanita Maleškić, Y-PEER



radionica u sklopu projekta obuke i savjetovanja mladih radionice bila je „Seksualno i trenerica.

Krajem mjeseca, od 30. januara do 1. februara, u prostorijama SPAJALICE održana je Follow up radionica projekta Jačanje djevojaka o temi „Nasilje, liderstvo i plan akcije“. Ova radionica provodi se u saradnji s GTZ-om i Fondacijom CURE.

U januaru je završen kurs računara za početnike/ce. Polaznici/e su uspješno položili završni test i dobili certifikate. A u toku je kurs računara –MS-Office.



U prostorijama SPAJALICE održava se kurs šivanja i to dva puta sedmično. Grupa broji 14 polaznika/ca. Polaznici/ce će naučiti kako rukovati šivaćom mašinom, kako skratiti i suziti svoju garderobu. Kurs će trajati 2 mjeseca, a po završetku polaznici/ce će dobiti certifikat o uspješno završenom kursu. Projekt se provodi uz podršku Općine Ilidža.

Grupa naših volontera/ki 21. januara posjetila je „Dom za djecu bez roditeljskog staranja“, Sarajevo. Okupljanje je bilo u SPAJALICI odakle su krenuli ka Bjelavama. Sa sobom su ponijeli i osvježenja za djecu. Po dolasku u Dom upoznali su se s pedagogicom, koja ih je upoznala s djelatnostima ove ustanove.



Udruženje KULT, uz partnerstvo OSGIS-a i podršku CCI-a, s početkom ove godine počelo je provođenje projekta „Puna usta mladih“. Projekt radi na usvajanju zakona o mladima na nivou Federacije BiH i u Brčko-Distriktu BiH te poboljšanju postojećeg zakona u RS-u. Projekt će trajati 12 mjeseci. Udruženje KULT kao nosilac projekta u prvom mjesecu realizacije imao je niz aktivnosti. Sačinjena je projektna struktura. Radijski džingl poticajnog karaktera, čiju je izradu na sebe preuzela Fondacija za kreativni razvoj, inače drugi partner u projektu, u završnoj je fazi, a kreiran je i logo projekta.

Udruženje KULT je, u partnerstvu s Omladinskim savjetom Sarajevo, započelo Projekt obrazovanja mladih uključenih u procese. U sklopu projekta mladi s područja općine Ilidža i Sarajevo proći će certificiranu obuku omladinskih lidera/ki djeluj!“ (UMiD). Pored toga, KULT će pronaći četiri BiH koje će zajedno s nama raditi na promociji Volonterskog na uspostavljanju kriterija za dodjelu budžetskih sredstava u Sarajevu i Ilidži. Projekt finansira Evropska unija. Obuka UMiD trajat će od marta 2009. do augusta 2010. g., koja će se sastojati od 14 radionica i 10 malih projekata. Aktivnosti će se odvijati uglavnom vikendom, 1-2 puta mjesečno.



Grada Istočno društvene Grada Istočno „Uči, misli i organizacije u dnevnikTM, ali i Istočnom

Prijavni obrazac i dodatne informacije možeš dobiti na www.kultbih.org/umid.php ili zatražiti mejlom na umid4@mladi.org. Prijave se primaju do **18. februara 2009. g. do 16 sati** na način naveden u prijavnim obrascu. Osobe koje budu odabrane za pohađanje obuke bit će o tome informirane do **28. februara 2009. g.**



Novi projekt Obrazovno-raznodnog centra za mlade SPAJALICA nosi naziv **Škola prijateljstva**, a provođenje bi trebalo početi sredinom februara.


Sudjelovanje u projektu bit će ponuđeno učenicima/ama trećih i četvrtih razreda svih osnovnih škola s područja Ilidže.

Besplatna pomoć pri izradi domaćih zadataka, te radionice i igraonice za djecu bit će sadržaji ovog novog projekta. Sve škole pozitivno su reagirale na ovu ideju, te su obećale saradnju, jer ovaj projekt smatraju vrlo potrebnim i zanimljivim.

Udruženje KULT će, u saradnji s njemačkim Institutom za inostrane poslove – ifa, provesti još jednu Plansku igru o EU, i to 3 i 4. aprila 2009. g. Učesnici/e u Planskoj igri o EU bit će učenici/e srednjih škola s područja Kantona Sarajevo. Projektu će se tom prilikom pridružiti i mladi iz Srbije i Crne Gore. Mladi će u okviru planske igre simulirati rad institucija Evropske unije i raditi na prijemu novih zemalja

kandidata u EU. Tokom planske igre radit će se s aktueliziranim materijalima koji su prilagođeni mladima. Više informacija o ovo projektu pronaći ćete na našoj stranici www.kultbih.org. Na ovoj stranici ćete pronaći obrazac putem kojeg se možete prijaviti i učestvovati.

Prijave su u toku i trajat će do 20. marta 2009. g.



INFORMACIJE

Aktivisti Prijatelja životinja u BiH “oderani” zbog krzna

UBISTVO ZBOG KAPUTA

Prijatelji životinja u BiH u centru Sarajeva održali protesnu povorku i performans protiv ubijanja životinja zbog krzna

Kako bi ukazali javnosti na svu okrutnost krznarske industrije i besmisao ubijanja životinja u svrhu proizvodnje krznene odjeće zbog mode i glamura, te na posljedice po okolinu, članovi udruženja Prijatelji životinja u BiH danas su prošli ulicama prikazujući video snimke životinja s farmi krzna i glasno upozoravajući na okrutnost industrije krzna. Nakon toga su razodjeveni aktivisti atraktivnim performansom prikazali životinje oderane zbog mode.

Protesna povorka je krenula sa Trga Fra Grge Martića ispred Katedrale u 12:00h. Vrativši se na polazište, u 12:30h održan je performans kojim su aktivisti Udruženja, ležeći “oderani”, skrenuli pozornost na neprihvatljivost ubijanja životinja zbog njihova krzna.

Životinje se u prirodi hvataju nazubljenim čeličnim klopama koje im probadaju šape i tijela te pate satima i danima prije nego što im lovci razderu prsa ili slome vratove. U zamkama uhvaćeni ostaju i mnogi psi, mačke i ostale životinje uhvaćene 'greškom'.

Na farmama krzna, životinje se uzgajaju isključivo u svrhu proizvodnje krzna. Svoje kratke živote “žive” u skućenim, žičanim kavezima, zatrpane prljavštinom, prisiljene često na kanibalizam i bez veterinarske skrbi. Kada dođe vrijeme za ubijanje, pomoću metalne omče koja im se stavi oko vrata, životinje se izvlače iz kaveza. Prije deranja kože s krznom, životinjama se lome vratovi, ubrizgavaju otrovi u srce, truje ih se plinom

Mjesečni bilten – Januar 2009

ili ubija strujnim udarima od 240 volti tako što se životinji gurne električno šilo u vaginu ili rektum, a metalni vodič u njezina usta. Ponekad su životinje samo omamljene i živima im se odere koža.

Industrija krzna ogroman je zagađivač okoliša, te je njegov uzgoj potpuno ekološki neprihvatljiv. Za proizvodnju krznenih kaputa od životinja potrebno je 60 puta više energije nego za proizvodnju umjetnoga krzna, a u procesu obrade i prerade krzna koriste se opasne kemikalije koje nepovratno zagađuju podzemne vode i ugrožavaju ljudsko zdravlje.

Krzneni kaput nije samo vrsta odjeće. Zbog svakog se ubije: do 15 pasa, do 20 dabrova, do 22 lisice, do 24 mačke, do 30 rakuna, do 34 nutrije, do 40 oposuma, do 200 činčila, do 240 hermelina, do 400 vjeverica...

Danas ne postoji niti jedno opravdanje zbog kojeg bi se životinje trebale ubijati zbog krzna. No, divlje životinje se i dalje istrebljuju u ove svrhe, sa tendencijom potpunog nestanka, dok životinje na farmama žive život u čekaonici smrti. I sve to usprkos činjenici da postoje usavršene metode izrade vlakana koji su replike prirodnih dlaka, od kojih se izrađuju kvalitetna vještačka krzna.

Odjećom koju nosimo definiramo sebe. Ne budimo neosjetljivi na patnje drugih bića, ne doprinosimo svjesno ubijanju, osiromašenju životinjskih vrsta i zagađenju okoline.

Prijatelji životinja u BiH kao i mnogi građani osuđuju uzgoj životinja u svrhu proizvodnje krzna, svako promoviranje, prodaju i nošenje odjeće od životinjskoga krzna, a u cilju stvaranja etički osviještenog društva u kojem su građani svjesni da su lov, uzgoj i ubijanje životinje neizostavni dio krznene odjeće i da svako ubijanje životinja zbog mode i glamura treba osuditi.

Kontakt osoba: Maida Šabeta 063 848 368
Prijatelji životinja u Bosni i Hercegovini
www.prijatelji-zivotinja-bih.com
bhprijateljizivotinja@yahoo.com



SAOPŠTENJE

SARAJEVO, 30. januar, 2009 – Promjena klime je identifikovana kao jedna od najvećih svjetskih prijetnji našeg vremena. Naučnici se slažu da se globalno zagrijavanje i ekstremni klimatski fenomeni mogu pripisati ljudskom faktoru – a naročito izduvnim gasovima kao što je karbon dioksid koji proističe iz industrijske proizvodnje.

Rješenja ovih gorućih problema možda leže u rastućoj “zelenoj ekonomiji”: ekološki održivim preduzećima, tehnološkim inovacijama, mjerama za enegetsku efikasnost, ekonomskim podsticajima za odabir niskog nivoa uglja, itd. Kako može omladina dati svoj doprinos?

Svjetska banka i njeni partneri pozivaju sve zainteresirane mlade u Bosni i Hercegovini da učestvuju u svjetskom takmičenju eseja na temu promjene klime. Najbolji eseji će biti objavljeni i nagrađeni iznosom do 3.000 USD.

Učesnici svjetskog takmičenja eseja mladih moraju biti starosti između 18 i 25 godina 15. juna, 2009. Učesnici mogu podneti prijave u više od jedne kategorije (esej, video i foto), ali je dozvoljena samo jedna prijava po kategoriji. Prijave se primaju na engleskom, francuskom i špankom jeziku. Sve prijave moraju biti originalni rad učesnika. Nisu dozvoljene prijave koje su već ranije nagrađivane ili predstavljane na izložbama. Rok za dostavljanje prijava je 22. februar, 2009, a imena finalista će biti objavljena 30. aprila, 2009.

Proces apliciranja za takmičenje za 2009 je putem interneta i svi zainteresirani mogu naći relevantne informacije na www.essaycompetition.org

Kontakt / Contact:

Jasmina Hadžić, (+387-33) 251-502

jhadzic@worldbank.org

DONATORI / STIPENDIJE / ŠKOLARINE / NAGRADE / POSLOVI / PRILOZI

Fondacije Robert Boš i ERSTE, u saradnji sa Balkanskom istraživačkom mrežom (BIRN), objavile su treći godišnji konkurs za dodelu Balkanskih stipendija za novinarsku izuzetnost, koji će biti otvoren do 1. marta. Biće dodeljeno ukupno deset stipendija. Izabrani novinari dobiće 2.000€ stipendije, kao i 2.000€ za troškove istraživanja, dok će najbolji tekstovi biti dodatno nagrađeni sa 5.000€ za prvo, 2.000 za drugo i 1.000€ za treće mesto. Izabrani novinari dobiće finansijsku i profesionalnu podršku za istraživanja u regionu i u zemljama Evropske Unije, a tekstovi nastali u okviru tog programa biće objavljeni u specijalnoj publikaciji krajem 2009. godine. Tema ovogodišnjeg konkursa je "Identitet", u savremenom balkanskom i evropskom kontekstu, 20 godina nakon pada Berlinskog zida i početka sukoba na Balkanu. Više informacija o programu i proceduri za prijavljivanje dostupno je na internet adresi <http://fellowship.birn.eu.com>.

Poziv za projekte

Seminar o omladinskom uticaju na lokalnom nivou, Jönköping, Švedska, 16-20 Mart 2009. Rok za podnošenje aplikacija je 15 februar 2009. Aplikacije se podnose online.

Opis: Švedska nacionalna agencija u saradnji sa SALTO omladinskim resursnim centrom i opštinom Jönköping održavaju seminar "Uticaj mladih na lokalnom nivou". Cilj ovog seminara jeste utvrđivanje postojećih metoda omladinskog učešća na lokalnom nivou i utvrđivanje budućih prioriteta na polju omladinske politike u Evropi. Više detalja možete naći na:

<http://www.salto-youth.net/find-a-training/1432.html>

Omladinski trenerski kurs, Canakkal – Turska, 25-30-03-2009

Pozivamo vas da budete dio našeg projekta, trenerski kurs, Evropa te treba!!!

Ovaj projekat ima za cilj jačanje srednješkolaca u različitim zemljama da bi postali kativni članovi društva. Ovaj projekat sprovode studenti koji su članovi AEGEE, projektom se namjerava podići svijest o Evropskim pitanjima, pokazati koje to mogućnosti Evropa nudi i kako iskoristiti te mogućnosti. Korištenjem interaktivnih neformalnih metoda će se omogućiti srednješkolcima da unaprijede svoje shvatanje Evropskih vrijednosti i perspektiva.

Osnova ovog projekta jeste što ga prave studenti za studente – što predstavlja dobru bazu za djeljenje ideja.

Aplicirati možete na:

<http://www.karl.aegee.org/calendar.nsf/EventuallyEdi/9472A9188A17D8BAC1257523005F7A67?>

Rok za podnošenje prijave je: 25.02.2009

Više informacija na

www.aegee.org/youropeneedsyou

<http://www.facebook.com/home.php#/event.php?eid=39958538895>

eventcanakkale@yahoo.co.uk

YOUtube: <http://pl.youtube.com/watch?v=8VEk9xA12q4&feature=related>

OVIDIU PALCU

Univerzitet Atina

Političke nauke

mobile phone: 0030-6978696257

www.uoa.gr

<http://ovidiupalcu.blogspot.com>

www.communityvoice.gr

www.moldova.gr

www.migrationpolicy.com

Mjesečni bilten – Januar 2009

EKUMENSKA INICIJATIVA ŽENA - Podrška ženama nositeljicama društvenih promjena

Ako ste se okupile kao neformalna grupa žena (vjernica, prijateljica, suradnica,..) ili kao organizacija civilnog društva koja korištenjem svojih vještina i iskustava želi napraviti korak više, ako ste teologinja ili studentica teologije iz islamske/kršćanske/židovske zajednice koja svojim radom želi doprinosti odgovornom rješavanju problema u Bosni i Hercegovini, Crnoj Gori, Hrvatskoj, Kosovu, Makedoniji i Srbiji - prijavite se.

Obrazac za prijavu, uputstva i smjernice možete naći na stranici: www.esnips.com/web/ewsf

Predloženi projekti moraju biti iz jednog ili više područja djelovanja:

- izgradnja mira i pomirenja,
- ekumenski i međuvjerski dijalog,
- rodna ravnopravnost, s osobitim naglaskom na prva dva područja djelovanja.

EKUMENSKA INICIJATIVA ŽENA za jedan projekt nudi potporu do 3.000 EUR.

Prijave se primaju isključivo elektronski na adresu EKUMENSKE INICIJATIVE ŽENA
ewsf@ewsf.hr zaključno sa 28.02.2009. u 15 sati.

Ekumenska inicijativa žena
Poljički trg 2a, 21310 Omiš, HRVATSKA
tel: +385 21 862 599
fax: +385 21 757 085
e-mail: ewsf@ewsf.hr

Mjesečni bilten – Januar 2009

Dragi prijatelji,

Ukoliko ste zainteresovani da se u mjesečnom informativnom biltenu Omladinskog Resursnog Centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:
sCh design
Webmaster:
Emir Delalić-Zeko - Tuzla
emir.delalic@gmail.com
emirdelalic@yahoo.com

web: www.omladina-bih.net
mejling lista Mreže:
mailing@omladina-bih.net

Adrese za slanje vaših informacija za mjesečni bilten:

orcuzla@bih.net.ba
fax: 035 258 077

hCa Tuzla
Hadži Bakirbega Tuzlića 1,
75000 Tuzla
tel / fax: 035 258 077
e-mail: orcuzla@bih.net.ba
hcatuzla@bih.net.ba

hCa Banja Luka
Krfska 84, 78000 Banja Luka
tel: 051 432 753,
fax: 051 432 752
e-mail: hcalido@inecco.net
hcabl1@blic.net

Mjesečni bilten uređuje Omladinski resursni centar - ORC Tuzla